



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Basilicae S. Mariae. Maioris De. Vrbe A. Liberio. Papa. I.  
Vsque Ad. Pavlvn. V. Pont. Max Descriptio. Et. Delineatio**

**Angelis, Paolo de**

**Roma, 1621**

Cap. XIV. De Indulgentijs.

**urn:nbn:de:hbz:466:1-13873**

Adfunt pariter omnes apparatus ex ferico, auro illustres, omni tempore necessarij pro Episcopis consecrandis.

Adest magnus corporaliu numerus egregie acu pictorum; atque albae vestes lineae: nec non pro altaribus lintea, vna cum ingenti rerum copia ex lino fictarum ad quotidianum sacrarii vsum.

Duo pallia pro paruis Sacelli aris, cum fascijs ex auro, atque argento intextis, Pauli Quinti cum insignibus.

Duo pallia ex ferico, dracos, & aquilas exprimente, auro decorata, Pauli Quinti cum insignibus.

Plura etiam alia ex diuersi coloris ferico vngulato, vndique auro circumdata, Pauli Quinti cum insignibus.

Binae Cruces aureae in pectore gestandae, vna zaphiris, altera rubinis pernobilis.

## DE INDVLGENTIIS.

### Caput XIV.

Pauli V. Pont.  
Max. Breue.



**P**AVLVS Papa Quintus. Vniuerso Clero, & Populo Romano salutem, & Apostolicam benedictionem. Ad Apostolicae dignitatis fastigium, cum primum à Domino nullo suffragio meritorum, sed eius inscrutabili consilio fuimus euocati, illud in maximis habuimus, ut per excelsum Virgini Dei Genitrici aduocate nostrae debiti honoris, & venerationis à nobis extaret insigne, & quam sensimus in humilitatem nostram multiplici patrocinij beneficio clementissimam, eidem praestaretur de acceptis bonis oblationis obsequium. Cum itaque eiusdem sanctissime Virginitatis venerandam, maximeque vetustam, ac celebrem imaginem, quae in Basilica Sanctae Mariae Maioris nuncupata huius Almae Urbis religiosissime colitur, decentiori loco collocari posse cerneremus, ac nostra in eandem sacram imaginem praecipua deuotione ad eam collocandam incitaremur, diuina fauente clementia, nouum in eadem Basilica Sacellum in honorem Beatissime Virginitatis Mariae, quanto cum ornatus splendore in Domino possemus, excitare decreuimus, & quamprimum fieri potuit inchoauimus: quo autem magis illud honoraremus, vna cum Caeli Regina, duos etiam caelestes Ciuēs Sanctoru honoribus à nobis in terris illustratos, in eodem Sacello venerari voluimus. Quamobrem S. Confessoris Caroli, sanctaeque Viduae Franciscae nominibus Altaria erigi iussimus, eisdemque Altaribus vnam eiusdem sancti Caroli costam,

**A** aliasque sanctae Franciscae reliquias destinauimus. cuius sacelli opus, quando Spiritus sancti gratia iam est consummatum, neque aliud restat, quam ut sacra Dei matris imago, ac Sanctorum huiusmodi reliquiae eo transferantur, quo translatio haec cum honore, & fidelium spirituali fructu peragatur, caelestibus Ecclesiae thesauris ad eandem concelebrandam Christianifideles inuitandos duximus. Quamobrem de omnipotentis Dei misericordia, ac Beatorum Petri, & Pauli Apostolorum eius auctoritate confisi, omnibus, & singulis Christianifidelibus, qui eiusdem translationis processioni cum Clero, & populo agendae interfuerint, siue die, qua illa agatur, aut aliquo ex septem sequentibus diebus Sacellum, & Altaria praedicta, confessi, ac sacra communionem refecti, deuotè visitauerint, & ibi pro Christianorum Principum concordia, haeresum extirpatione, ac sanctae Matris Ecclesiae exaltatione, pias ad Deum preces effuderint, plenariam omnium peccatorum suorum indulgentiam, & remissionem, quae tamen semel tantum acquiri possit, misericorditer in Domino concedimus, & indulgemus: praesentibus dictis octo diebus, dumtaxat ualituris. Datum Romae, apud S. Marcum, sub anulo Piscatoris, die 22. Ianuarij. M. DC. XIII. Pontificatus Nostri anno octauo.

Locus ✕ Sigilli

Scipio Cobellutius.

**P**AVLVS PAPA V. Vniuersis Christianifidelibus praesentes litteras inspecturis, salutem, & Apostolicam benedictionem. Ad augendam fidelium religionem, & animarum salutem caelestibus Ecclesiae thesauris, pia charitate intenti. Omnibus utriusque sexus Christianifidelibus uerè penitentibus, & confessis, ac sacra communionem refectis, qui sancti Caroli, in eiusdem sancti Caroli, ac sanctae Franciscae Altaria, sita in Capella à nobis extructa in Ecclesia sanctae Mariae Maioris de Vrbe, in eiusdem sanctae Franciscae festis diebus, à primis Vesperis usque ad occasum solis, dierum huiusmodi singulis annis respectiue, deuotè visitauerint, & ibi pro Christianorum Principum concordia, haeresum extirpatione, ac sanctae Matris Ecclesiae exaltatione pias ad Deum preces effuderint, quo die praedictorum id egerint, plenariam omnium peccatorum suorum indulgentiam, ac remissionem misericorditer in Domino concedimus, praesentibus, perpetuis futuris temporibus ualituris. Datum Romae apud S. Marcum, sub anulo Piscatoris, die vigesima sexta Octobris. M. DC. XII. Pontificatus Nostri anno octauo.

Locus ✕ Sigilli.

Scipio Cobellutius.  
Paulus

Pauli V. Pont.  
Max. Sacre.

Paulus Papa V. Ad perpetuam rei memoriam. Splendor paternae gloriae, qui sua mundum illuminat ineffabili claritate, pia vota fidelium de clementissima eius maiestate sperantium tunc precipue benigno favore prosequitur, cum deuota ipsorum humilitas sanctorum precibus, & meritis adiuuatur. Volentes igitur Basilicam sanctae Mariae Maioris nuncupatam de Vrbe, nec non septem Altaria infra scripta aliquo spirituali munere illustrare, de omnipotentis Dei misericordia, & Beatorum Petri, & Pauli Apostolorum eius auctoritate confisi, omnibus vtriusque sexus Christi fidelibus, qui Praesepis Domini Nostri Iesu Christi, nec non Beatae Mariae Virginis à nobis extructum, ac B. Mariae de niue nuncupatum sub ciborio, ubi olim eiusdem Beatae Mariae sacra asseruabatur Imago, similiter Beatae Mariae assumptae familiae sportiae, sanctae Annae seu sacrarum reliquiarum, nec non sanctorum Michaelis Archangeli, ac Petri in vinculis, ac sanctae Catherinae familiae Casae Altaria deuote visitauerint, & pro Christianorum Principum concordia, haeresum extirpatione, ac sanctae matris Ecclesiae exaltatione pias ad Deum preces effuderint, qua die id egerint, ut eas omnes, & singulas indulgentias, & peccatorum remissiones ac penitentiae relaxationes, quas visitando septem Altaria in Basilica S. Petri de Vrbe ad id deputata consequentur, consequi possint, & valeant concedimus, & indulgemus in forma Ecclesiae consueta, praesentibus perpetuis futuris temporibus valituris. Non obstantes regula nostra de non concedendis Indulgentijs ad instar, ac constitutionibus, & ordinationibus Apostolicis ceterisque contrarijs quibuscunq. Datum Romae apud sanctam Mariam maiorem sub anulo Piscat. die VII. Sept. MDC. XIII. Pont. nostri anno nono.

Locus ✱ sigilli.

Scipio Cobellutius.

Paulus Papa V. Ad perpetuam rei memoriam. Sanctorum sacras Imágenes praesertim sanctissimae Dei Genitricis Mariae semper Virginis super omnes exaltatae calitum ordines debito indies magis honorari cultu, ac fidelium erga eas antiquam fouere, & augere deuotionem pro nostro pastoralis officij debito procuramus, eosdemque fideles Ecclesiae thesauris libenter ad haec imitamus. Sanè cum diuina clementia abundantioris gratiae dono humilitatem nostram respiciens ad summum Apostolatus gradum nullo nostro merito euexit, gratijs adiungens gratias, dignata est etià indulgere ut de insignibus, & innumerabilibus in nos eiusdem gloriosae Virginis aduocatae nostrae beneficijs aliquo licet tenui pro illius meritis oblationis obsequio agnoscendis cogitaremus. cum uero S. Deiparae Virginis celeberrima, & antiqua

A Imago Basil. S. Mariae maioris nuncupate, quae à S. Luca miraculose pictam fuisse pie creditur, per angusto loco eiusq; dignitati longè impari coleretur, Nobisq; Dominus in eam peculiarem deuotionem iam dudum largiri dignatus fuisset, eidem sacrae Imagini quanto decentior em nobis ex alto concederetur sedem statuere decreuimus. Quamobrem nouum in eadem Ecclesia sacellum erigere diuina fauente gratia absque mora aggressi sumus eiusque honore augere cupientes una cum Regni Caelorum Regina, duos eiusdem Regni (scilicet Nostri Apostolatus ministerio sanctos declaratos, sanctum videlicet Confessorem Carolum, & sanctam Viduam Franciscam, & uenerationem in eo habere uoluimus, eorumque nominibus duo altaria constitui iussimus.

## DE SACRIS RELIQUIIS

### Cap. XV.

C **I**N nomine Domini Amen. anno à Natiuitate eiusdem MDCXI. Indictione nona, die uero martis xx. x. mensis Martij, Pontificatus S. D. N. D. Pauli diuina prouident a Pape Quinti anno VI. Illustr. & Reuer. D. D. Federicus tituli S. Mariae Angelorum S. R. E. Presbyter Cardinalis Borromeus S. Mediolanensis Ecclesiae Archiepiscopus comitantibus perillustri, & multum R. D. Antilocho Archangelo Iuris vtriusque Doctore, Prothonotario Apostolico, & ipsius Illustr. & Reuer. Dom. Vicario Generali, nec non Illustr. & multum RR. DD. Octauiano Abbiato Forrerio Archiepiscopo, Alexandro Marenta Archidiacono Hieronymo Castano Canonico ordinario, & Antonio Besutio similiter Canonico ordinario Metropolitanae Ecclesiae Mediolani, accessit post horam primam noctis ad subterraneum locum, quem scuroolum appellant ante imos gradus chori eiusdem Metropolitanae Ecclesiae constructum, in quo religiose, & honorifice seruatur uenerandum corpus sancti Caroli Cardinalis Mediolani Archiepiscopi in Arca cupressina intus & extra sericis pannis, & aureis ornamentis ornata, ibique flexis genibus ante sanctum corpus fufis ad Deum precibus exteriorem arcam nuccam duabus Clauibus munitam, tum interiorem etiam cupressinam aperiri mandauit, sublatoq; argenteo reticulo, & vitrea custodia, cum apparuisset sacrum corpus, prout erat Pontificalibus indumentis eleganter uestitum, adhibito supradictorum multum RR. DD. consilio, ac etiam Excell. D. Ioannis Antonij Montij Medici chirurgi, & Anotomes

V mes